



Methodus pro cognitione

MENSIVM SVPERFLVEN-
TIVM INSERVIENS.

MENSIVM SVPERFLVVS ELVXVS erit cūm is amplius non fit ad animalis commodum, & cūm nocumentū potius ex eorum fluxu subsequitur. Nonnunquā enim plus iusto purgantur, & potissimum quæ humidioris sunt naturæ mulieres, propter victum liberaliorem longamve desidiā absque earum læsione, sed potius fit cum bona tolerantia, tūcque sistendus non est. Quapropter non tantūm quantitatem, qualitatemve atque genus substantiæ hīc obseruare debemus, sed potius auscultandum an tēpestiuè vel intēpestiuè, seu ad animalis commodum vel incommodum fluant. Subsistere debent lactantibus, vtero gerentibus, puerperis. In grauidis tamen primo aliquando mense prorumpunt non omnino contra rationē, cūm tunc os vteri non ita firmiter adhuc sit constrictum vti aliquandiu post fieri solet, cūm ne minima quidem corpuscula tandem admittere soleat vterus. Subinde quoque in grauidis etiā postquā arctissimè os vteri constrictum fuerit, aut menses (quod virginibus etiam interdum accidit) aut quid simile mensibus profundi per ramos venæ cauæ consuevit, qui inseruntur ceruici ori que vuluē, ad eum modum quo hēmorrhoids in recti intestini extremitatem quasi terminatur.

PARS AFFECTA. Afficitur dum immodicè fluunt menses, vterus aut per se, aut simul cū toto corpore, vel aliquibus partibus eius. Est autē hic affectus symptoma pertinens ad genus immodicè excretorum, éstque non toto genere præter naturam, vti hēmorrhagia, aliæque sanguinis vacuationes, sed sola quantitate.

Cc iiij